



in vennootskap met die



BYBELVASVRA

Postnet (Aandag: Dr. Hennie Schmidt)

Elridge Corner

Boksburg 1459

Sel: 0846036037

E-pos: rrbbybelvasvra@gmail.com

BYBELVASVRA: ALGEMENE INLIGTING

Terugvoer oor die 2019-Bybelvasvra

In 2019 het 101 spanne uit 47 skole aan die Bybelvasvrauitdunronndtes deelgeneem. Drie-en-sestig spanne het die Afrikaanse vraestel voltooi en ses spanne die Engelse vraestel. Dertig junior spanne het in Afrikaans deelgeneem, en twee junior spanne in Engels. Die top tien senior spanne is na die finale rondte gedurende Oktober, te ATKV Hartenbos genooi. Die span van Elarduspark 2 uit Pretoria het in die finale rondte stof in die oë van Randhart uit Alberton en Goedehoop uit Secunda geskop, en is welverdiend die Nasionale Kampioenspan vir 2019.

Waarom deelneem?

Uit 'n Bybelkennisprojek wat die Rapportryers voorheen geloods het, het dit aan die lig gekom dat die jeug se algemene kennis van die Bybel veel te wense oorlaat. Die doelstellings van die Bybelvasvra is juis die bevordering van die jeug se liefde vir die Bybel en Bybelstudie, die bevordering van hul kennis en hanteringsvermoë van die Bybel, asook die bevordering van hul kommunikasie- en samewerkingsvermoë.

Die terugvoer van deelnemers aan die Bybelvasvra spreek boekdele en maak dit maklik om nie aan die struktuur van die vasvra te verander nie. Die lewe gaan oor meer as net wen, en dit is juis waarom ek u wil aanmoedig, om soveel moontlik kinders die geleentheid te bied om deel te neem. Die gedagte is juis dat elke kind wat deelneem, die mense rondom hom/haar ook positief kan beïnvloed en die Woord só uitgedra word - veel verder as net die skool en die afrigter, maar ook gesinne.

Wie mag deelneem?

Alle leerlinge tot Graad 7 mag deelneem. Daar is geen beperking op die aantal spanne wat 'n skool/gemeente/instansie mag inskryf nie. Die span bestaan uit **vier** leerders (wat nie in dieselfde graad hoef te wees nie) en daar is ook geen geslagtelike voorskrifte nie.

..... /2.

Junior afdeling

In 2014 is 'n Junior afdeling geloods om leerders in Graad 4 en Graad 5 die geleentheid te bied om ook deel te neem. Die vrae is uit dieselfde Skrifgedeeltes, maar is minder. Die vrae is makliker, minder (drie afdelings) en baie direk. Die terugvoer was baie positief. Die Junior span van De Hoop (Wes-Kaap) was die wenner vir 2019.

Die junior afdeling se vrae gaan baie direk gestel word, en is bedoel vir die skole wat vir die eerste keer aan die projek deelneem. Die vraestel word nie opgestel om die kinders uit te vang nie, maar eerder om hulle basiese kennis van die Skrifgedeeltes te toets en die leerders net 'n voorskyn te gee van die senior vraestel. Die moeilikheidsgraad van die senior afdeling het in die verlede 'n paar skole gedemotiveer om weer deel te neem. Hierdie junior afdeling behoort meer skole en instansies te motiveer om in te skryf.

Indien u egter 'n junior span wil voorberei vir die senior afdeling die volgende jaar, en u is bereid om die nodige inspanning en tyd daaraan te bestee om te kompeteer, word u aangeraai om vir die senior afdeling in te skryf, alhoewel u nog junior lede het.

Die vraestel is steeds in Engels beskikbaar

Die Rapportryers glo dat die geleentheid om meer van die Bybel te leer nie deur taalgrense beperk behoort te word nie. Daarom bied ons ook aan Engelse leerders die geleentheid om aan die vasvra deel te neem. Die vraestel is slegs in Afrikaans en Engels beskikbaar en leerders kan dit in die taal van hul keuse beantwoord. Die taalkeuse van die leerders moet egter duidelik op die inskrywingsvorm aangedui word.

Indien 'n Engelse span onder die top tien eindig, kwalifiseer hy ook vir die finale rondte.

Agtergrond

Die Bybelvasvra het in 1977 in Sasolburg begin en die belangstelling was so oorweldigend, dat dit in 1979, as 'n projek van die Rapportryers, op Nasionale vlak aangebied is.

Aard van die vasvra en Skrifgedeeltes

Skrifgedeeltes word teen middel November van elke jaar beskikbaar gestel word. Meer inligting oor die aard van die vrae sal in 'n aparte dokument verskaf word.

Daar sal ook betyds vrae en antwoorde wat nie vir die verskillende rondtes gebruik word nie aan die afrygters beskikbaar gestel word. Dit sal veral nuwe skole/instansies baie help met hulle voorbereiding en hopelik tot meer inskrywings lei.

Waar word die Bybelvasvra aangebied?

Uitdunrondtes word in streekverband in verskillende sentra in die verskillende provinsies aangebied. Dit word bepaal deur die aantal inskrywings.

Word daar erkenning gegee?

Elke deelnemer ontvang 'n sertifikaat van deelname. Die wenspan van elk van die nege provinsies (wat nie onder die top tien was nie) ontvang 'n addisionele sertifikaat, asook R1 000 per span. Na afloop van die twee uitdunronndtes word die Top 10 senior spanne na die finale rondte genooi, wat oor 'n naweek beslis word. Die spanne woon die naweek grootliks kosteloos by. Prys-geld is R5 000, R4 000 en R3 000 onderskeidelik vir die eerste, tweede en derde plekke. Die ander sewe spanne wat aan die finaal deelneem ontvang elkeen R 1 000. Die Top 10 spanne ontvang ook 'n spesiale sertifikaat. Die drie top spanne tydens die finale rondte ontvang ook spesiale sertifikate. Die vier leerders van die wenspan ontvang ook elkeen 'n klein trofee. Al die spanlede ontvang ook 'n Bybel. Die Top Junior span ontvang prys-geld van R1 000 en 'n spesiale sertifikaat.

Datums van uitdunronndtes en Finaal:

1ste Rondte : 14 tot 19 Mei 2020

2de Rondte : 20 tot 25 Aug 2020

Finale Rondte : 16 tot 18 Okt 2020

Inskrywings-geld:

R 350.00 per senior span en R 220.00 per junior span.

Spanne moet egter, soos gebruiklik, op eie koste by die verskillende sentra aanmeld.

SLUITINGS-DATUM VIR INSKRYWINGS : 22 April 2020

Skryf in. Hierdie Bybelvasvra is enig in sy soort. Dit is nie net 'n leerervaring nie, maar ook groot pret! Nader asseblief ander skole in julle omgewing wat nog nie deelneem nie.

Met agting en vriendelike Rapportryergroete,

Dr. Hennie Schmidt
Organiseerder